

## Diedo guoradallamgæhttalimij hárráj gidá 2014

Æjgáidja gejna li máná 1., 2. ja 3. dásen

### Gidá guoradallamgæhttalimij birra

2014 gidá galggi 1., 2. ja 3. dáse oahppe tjadádit guoradallamgæhttalimij láhkámin ja riekknimin.

Guoradallamgæhttalime galggi skávlás ja áhpadiddjies aneduvvat oahppijit gávnatjit gudi duodde viehkev dárbahti daj vuostasj skávlájagijn. Ienemus oahppe sjaddi stuoramus oasev gæhttalimes gæhppadit tjadádit, ja soajttá moaddásij mielas lá álkke. Dan diehti ij sjatta gæhttalibme állo diedoijt vaddet daj oahppij birra gejna li buorre tjehpudagá.

Dahkamusá riekknimin máhtti liehket buojkulvissan tállajt láhkát, tállajt stuorrudagá milta tjuolldet, tállagárggájt állidit ja plussaj ja minusij riekknit. Láhkámin máhtti liehket buojkulvissan bokstávajt tjället, bágoijt láhkát ja gárgadisájt láhkát.

Gæhttalime láhkámin ja riekknimin ælla gæhttalime dárogiela ja matematihka fágaj, ájnat vuodulasj tjehpudagájs fágaj gaskan. Oahppoplánan li vuodulasj tjehpudagá návti defineriduvvam:

- njálmálasj tjehpudagá
- máhttet láhkát
- máhttet tjället
- máhttet riekknit
- digitála tjehpudagá

### Gájka oahppe galggi tjadádit

Gájka oahppe galggi bákkulasj guoradallamgæhttalimij tjadádit. Oahppe gudi li ierit gæhttalimbjeiven, galggi oadtjot fáldadagáv gæhttalimev manjela tjadádit.

Gávnnuji sierra bessamnuolgadusá ma guoski guoradallamgæhttalimijda. Juska oahppe dævdá ævoijt besatjit, de máhtta oahppe iesj jali suv æjgáda huoman mierredit oahppe galggá gæhttalimev tjadádit.

### Bákkulasj guoradallamgæhttalime

Bákkulasj guoradallamgæhttalime li:

- Láhkámin 1., 2. ja 3. dásen
- Riekknimin 2. dásen

### Luojvoj guoradallamgæhttalime

Bákkulasj guoradallamgæhttalimijda duodden, fállá Áhpadusdirektoráhtta luojvoj guoradallamgæhttalimij. Jus skávlá jali skávláægát vállji luojvoj guoradallamgæhttalimij tjadádit, de galggi gájka oahppe gudi li dan guoskasj dásen gæhttalimev tjadádit.

Luojvoj guoradallamgæhttalime fáladuvvi:

- Riekknimin 1. ja 3. dásen

### Báhtusa ja oatsodibme

Guoradallamgæhttalimij báhtusa e galga Áhpadusdirektoráhtta diededuvvat jalik aneduvvat skávlájt, suohkanijit jali fylkajt buohtastahtájt.

Báhtusa galggi vuostatjin sisnjelt skávlájn aneduvvat áhpadimev hiebadittjat, vaj da oahppe gudi dav dárbahti galggi ienep bagádallamav ja dárjav oadtjot. Tjáleum le bagádimtjálós áhpadiddjijda, mij tjelggi gáktu gæhttalime báhtusa máhtti klássalanján gátseduvvat.

Jus báhtusa gæhttalimes vuosedi muhtem oahppe duodde viehkev dárbahti, de galggi æjgáda diededuvvat gæhttalimij báhtusij birra manjel gá li tjadáduvvam. Galggi aj oadtjot diehtet makkir dájma jáhtuj biejaduvvi. Æjgáda máhtti skávlájn guládállat jus li gatjálvisá.

### Ienep diedo

Ienep diedoijt guoradallamgæhttalimij hárráj gávna næhttabielen <http://www.udir.no/Vurdering/Kartlegging-gs/>

Máhttolápptima oahppopládnatjoahkkev gávna næhttabielen <http://www.udir.no/Lareplaner/Kunnskapsloftet/>

### Diedo 2014 gidá guoradallamgæhttalimij hárráj

Dásse	Gæhttalibme	Bákkulasj/luojvoj	Ájgge
1. dásse	Láhkám	Bákkulasj	Vahko 17, 18 ja 19. (22.4.–9.5.)
2. dásse	Láhkám	Bákkulasj	
3. dásse	Láhkám	Bákkulasj	
1. dásse	Riekknim	Luojvoj	
2. dásse	Riekknim	Bákkulasj	
3. dásse	Riekknim	Luojvoj	

Skávlá/skávláægát vállji iesj goassa gæhttalibme galggá tjadáduvvat, mierredum gæhttalimigávda birán.